

Krumbiere un Kneedle

Krumbier' un Kneedle, wer kennt se net,
Des echti schwowisch Leibgericht;
Wann ich e jede Tooch se hätt',
Wär ich noch immer druff verpicht.

Der eeni will se mit Kerschtl hann,
Der annri noch mit Zwiwl gereescht;
E jede Schwob, der steht sei Mann,
Wann's Krumbier' un Kneedle esse heescht.

Ob uff de Heed, ob in de Hecke-
Mit Speck un Oier oongebroot,
So se halt noch besser schmecke –
Mit Krumbier' un Kneedle gebt's ke Not.

Die Schwowe sinn gar gaschtlich Leit,
Sie tun de B'such mit Fleisch traktiere,
Doch wann'er schun im Moo ne leit,
Dann kriet'er Kneedle un Krumbiere.

Die sinn also e Wunneresse
Forr gute und forr schlechte Täch;
Mit ihne kann mer schnell vergesse
Un iss stets uff'm richtich Wech.

E jeder, der Krumbier' und Kneedle esst
Werd sei Heimat drin wiedererkenne;
Sie iss uns' s Allerliebschti g'west-
Mir hann vun ihr uns misse trenne.

Im Herz, do bleibt se uns verbunn,
Des Land, in dem mir sin geboor,
In dem all' unsre Ahne ruhn:
Des Land, des unser Heimat wor.